

丹台玉集

卷一
共五卷

明新安休邑後學孫文胤對薇父叅著

當湖孝廉友弟屠壽徵山靜父較正

平湖縣庠盟弟俞允昌爾迪父

全閱

古潤內弟江國春如一父

傷寒門

夫傷寒者冬月天氣嚴寒水冰地凍而成殺厲之氣
體弱之人觸犯之者中則卽病各日正傷寒不卽病
者乃寒邪藏于肌膚之間伏于榮衛之內至春因溫

暖之氣而發者。名曰溫病。至夏因暑熱而發者。名曰
熱病。雖曰傷寒。實爲熱病。凡治傷寒。必先辨明六經。
而後可以用藥。如初發于一二日之間。便覺頭項痛。
腰脊強。而發熱惡寒者。乃是太陽膀胱之受病也。而
脈之則尺寸俱浮。浮緊有力爲傷寒。浮緩無力爲傷
風。而太陽經症可辨矣。太陽病已。以次而傳經。必傳
于胃。發于二三日之間。便覺目疼。鼻乾。不得眠。日晡
潮熱。不惡寒。而反惡熱者。乃太陽陽明胃經受病也。
而脈之則尺寸俱長。長而微洪者。臟病。長而沉數者。

脈病而陽明瘡可辨矣。陽明病已。以次而傳。經火傳于膽。發于三四日之間。便覺胃脇痛。而耳聾寒熱嘔而口爲之苦。乃是少陽膽經受病也。而胗之則尺寸俱弦。弦而滑數者。病發厥。弦而和者。病欲散。而少陽經病可辨矣。少陽病已。以次而傳。經必傳于脾。發四五日間。便覺腹滿或痛。而咽喉乾燥。大便不通。小便如常。或自利。手足溫而渴者。爲傳經腑熱。起無頭疼發熱。但惡寒。自利不渴。手足冷者。爲直中陰經。乃是太陰脾經受病也。而胗之則尺寸俱沉。沉實有力爲

裏實熱。沉遲無力爲裏虛寒。而太陰經症可辨矣。太陰病已。以次而傳經。必傳于腎。發于五六日間。便覺口燥。舌乾而渴。手足乍溫乍冷。便秘譫語者爲熱。或泄瀉清穀不渴。手指甲而青者爲寒。乃足少陰腎經受病也。而脘之則尺寸俱沉。沉實有力。知其熱。沉遲無力。別其寒。而少陰經症可辨矣。少陰病已。以次而傳經。必傳于肝。發于六七日間。便覺煩懣而囊縮。譫語而渴者爲熱。口吐涎沫。小腹痛不渴。身冷如水者爲寒。乃足厥陰肝經受病也。而脘之則尺寸俱沉。沉

實有力。是其熱沉遲無力。定知寒浮緩者。病自愈而厥陰經症可辨矣。又有兩感傷寒者何也。假如一日太陽與少陰俱病。頭疼爲太陽邪盛于表。口乾煩滿爲少陰邪盛于裏。二日陽明與太陰俱病。身熱譫語爲陽明邪盛于表。不欲食腹滿爲太陰邪盛于裏。三日少陽與厥陰俱病。耳聾爲少陽邪盛于表。囊縮面厥爲厥陰邪盛于裏。若水漿不入。又不知人者。六日死。以其一臟一腑同受其邪。此兩感之所以不救也。然其間亦有輕重之不同。表重于裏者。宜先救其表。

而後及於裏。裏重于表者。宜先救其裏。而後及于表。此又求于一生于萬死之中。不得已而施治也。其不兩感於寒。更不傳經者。至七八日間。其本經之邪漸退。至十二日則精神清爽而自愈。然傷寒傳經種種不同。未可執爲一定之序。有始于太陽。以次而傳入陰經。而不傳少陰者。或太陽不傳陽明。少陽而卽傳少陰者。或不由陽經而直入陰經者。或始終卽在一經。而不傳者。或二陽三陽同受。而爲合病者。或太陽陽明先後受。而爲併病者。種種不一。詳審而治可也。

又有中寒一症。或卒中天地之寒氣。或口得寒物而
中陰經。六脉沉弱無力。身倦手足厥冷。口禁不語。非
若傷寒之邪。循經漸深也。然真正傷寒。與感冒傷寒
及似傷寒。而非傷寒者。何以辨之。蓋寒者。冬月嚴凝。
肅殺之氣也。自霜降以後。春分以前。皆屬冬。此時感
冒而卽發者。乃爲真正傷寒也。若冬傷于寒。不卽病。
至春分後而發者。名曰溫病。其症發熱咳嗽身痛。口
渴不惡寒。其脉弦數不緊。右手反盛於左手。蓋怫然
在內故也。冬傷于寒。春亦不病。到夏至後而發者。名

曰熱病。其脉洪數。其症熱渴。比春更甚。溫熱二症俱不惡寒。而渴不惡寒。則病非外來。渴則熱自內達於表間。有惡寒者。乃冒非時暴寒。非若冬月之甚也。其有不因冬傷於寒。而春自傷于風。夏自傷于暑者。則自有傷風傷暑之別。而又不可以溫熱並論矣。或有感於天行時氣。而病相同者。謂之溫疫。其症頭疼身痛。發寒發熱。一家一方。長幼傳染者是也。或足膝等處忽然紅腫。或軟弱發熱頭疼。謂之腳氣傷寒。或心腹飽悶。嘔逆頭疼。發熱惡寒。右手脉緊盛。左手三

部和平。而身不痛者是傷食也。若身痛而身亦痛。左右手俱緊盛。謂之夾食傷寒。左手脉來緊盛。右手洪滑。或寸脉沉伏。身熱惡寒。隱隱頭痛。喘咳煩悶。脅脇體痛。是夾痰傷寒。頭痛發熱惡寒。但右手脉來空虛。左手脉來緊盛。是勞力傷寒。左手脉來緊瀦。右手脉沉芤。心胃脇下小腹有痛。虛汗至脛而回。是蓄血傷寒。太陽症則如狂。陽明症則善忘。少陽症則寒熱似瘧。此皆類傷寒。而非傷寒也。其餘傷寒中雜症頗多。不能枚舉。皆諸病門中所有者。但雜症一兼傷寒。卽

所謂傷寒雜症。醫者以意求之。則不言而自喻矣。

立方

神仙粥 治身熱作飽。不思飲食。頭疼。胃弱受寒。三時無覓醫處。此法取汗。

用帶皮老薑三兩。搗爛。將熱酒泡飲。出汗。輕者卽愈。重者可解一時之急。

麻黃湯 太陽症。頭頂痛。腰脊強。發熱無汗。宜此湯主治而汗之。

麻黃 一兩 桂枝 一兩 甘草 五錢 杏仁 五十枚

作一劑。每服用五錢。水煎溫服。汗出爲度。無汗可服。春分後忌之。用此藥發汗不出。脉弱者無陽。及不至足者。爲難治。身熱不退。脉愈燥者難治。

葛根湯 陽明症。目痛鼻乾。不得眠。身熱無汗者。以此湯治之。

葛根 三錢 芍藥 錢半 桂枝 一錢 薑 三棗 二 加黃

白虎湯 治渴而有汗不解者。

知母 二錢 石膏 五錢 甘草 六錢 粳米 小半 加人

參。名人參白虎湯。無汗大忌。

小柴胡湯

少陽症。胃肋痛而耳聾。往來寒熱。病在
半表半裏。此湯爲主治。

柴胡

二兩

半夏

八錢

黃芩

甘草

人參

各七錢半

作五服。每服加薑三棗二。但人參

味亦宜斟酌。若邪氣未退。不可輕用。

大柴胡湯

治身熱譫語。不大便惡寒。

柴胡

二兩

黃芩

七錢半

芍藥

三錢

半夏

六錢

枳實

五錢

大黃

五錢

作三服。加薑棗。

桂枝大黃湯

太陰症。肚腹硬滿。燥渴。咽乾。或腹痛。

大便實者。爲裏熱。以此湯主之。

桂枝

大黃

甘草

枳實

厚朴

人參

芍藥

檳榔

甚者加

芒硝

附子埋中湯

腹滿自利。不渴者。屬裏寒。

人參

白朮

乾薑

甘草

附子

四逆湯

治四肢厥冷。脉微欲絕者。

乾薑 五錢 附子 二錢 甘草 一兩 水煎熟冷服

大承氣湯 少陰症。口燥咽乾。譫語。五六日不大便

手足心并腋下。澀澀痞滿。燥實俱全者。用此湯主

之

大黃

厚朴

枳實

芒硝

各二錢半

小承氣湯

治傷寒傳裏。有痞滿實而無燥堅者。以

此湯主之

大黃 五錢

厚朴

枳實

各二錢

調胃承氣湯

無痞滿而有燥實堅者

大黃 四錢 芒硝 三錢 甘草 二錢 枳實 二錢

厚朴 二錢 若初起手指甲青兼之腹痛嘔吐身

如彼杖脉細沉無力謂之陰毒急用四逆湯溫之
外灸關元氣海復其陽氣不効即死

麻附細辛湯 本經身發熱四肢冷指甲青腹痛脉

雖沉亦有可汗者此湯主治

麻黃 二錢 附子 三錢 細辛 一錢 甘草 五分

人參 二錢 黃連 一錢 芍藥 一錢 以其無頭疼故

名少陰似太陽假若身不發熱豈敢輕汗之

桂附湯 厥陰症煩滿囊拳譏語而渴者當下之。三

承氣湯選用。口吐涎沫。小腹痛。不渴者。當此湯主之。

桂枝 一兩 附子 三片 青皮 甘草

柴胡 各四錢 作三服 每服加姜三片

陶氏冲和湯 兩感傷寒。雖不治之症。然所稟有虛

實所感有淺深。若胎元稟得厚者。而所感得淺間。亦可生。如兩感陰陽未分。或陽先受病者。以此湯

治之。